

三水縣志卷之二

建置

城池 廟宇

公署 恤政

行臺

倉庫

壇祠

一代之制有沿有革邑治之先稱南海稱高要遠矣屬南海郡屬蒼梧郡更遠矣以南海高要之地而成三水建置之由如條附幹如枝布葉時至而事起變通以盡利此自然之勢也夫規方百里而制為之縣則必築城郭立學宮設衙宇以為官司率教之地而後之綱之紀以次舉行此其大焉者也由是壇坫所以祀神也郵亭所以傳命也至於備賑有倉恤瘠有院瘞體有塚所以矜生而恤死

三水縣志

卷之二

建置

一

也官斯土者皆當精心擘畫者也志建置

立縣條議

明嘉靖五年總督兩廣軍門姚鏌巡按廣東監察御史涂相左布政使梁材按察使周宣會議以地當衝要南海高要暨清遠道里曠邈車馬絡繹其間夫役輗委非添設縣治不足以給河流支僻宵人出沒非添設縣治不足以靖乃下令廣州府曰其條議立設三水新縣事宜據廣州府申准 本府推官孫益會同肇慶府通判潘鵬南海知縣周 箴攝高要縣篆經歷李 親至三水相地度宜集

鄉老里排徐祐陸大受左汲等議咸曰便乃條上
事宜曰勘得廣州府肇慶府所屬交界地名曰白
塔村北距清遠西通高要南接南海離城各百數
十里彼處人民輸納錢糧則水陸難于搬運而逋
負頗多接應夫役則跋涉阻于危難而病苦尤甚
官司公務之勾攝則動踰旬月不能了理而事每
耽悞盜賊時常竊發刦掠公行客商屢被刦害鄉
村多不聊生緝捕雖嚴遍歷不及顧此失彼莫可
誰何縣治之添設實保障之良圖地方之大幸生
民之至願也况本處山水環抱人烟輳集路當衝

要田土饒曠實爲善地堪以立縣其割南海縣附
近三江西南胥江三都楊梅南岸南滘清塘郭塘
祿步豐湖樂塘高豐土塘十堡共三十四畝割高
要縣附近小洲鎮南平田五頂清塘龍池長岐利
瓊白上白下十都共十七畝彼此聯屬以里計之
有五十一里以人計之則有一萬九千七百八十
一丁以田計之則有四千三百三十二頃七十二
畝九分八厘九毫五絲以糧計之則有一萬五千
六十三石五斗一升伍合玖勺於此設立縣治則
道路適均錢糧便以輸納人役便於應接公事便

於勾攝盜賊繇此而絕其出沒地方繇此而得以保安其官吏師生以新治煩劇議全設知縣縣丞主簿典史各一員教官三員分理治化生員將新割都置內見在府學者撥補次選邑內子弟充之其上司使客經過及多梧州一帶往來答應恐涉繁難西南驛照舊存畱舊地與胥江松臺二驛道路適均本縣如遇上司使客公差人等經過止是應付人夫凡按臨公幹者廩給口糧俱從本縣供辦至夫三水路道交通巡司衙門誠不可無則以西南巡司照舊鈐束西南一帶人民高要所屬三

水橫石二巡司則遷附本縣近城巡緝似爲便宜三司俱屬新縣所轄又三水地方荒僻盜賊出沒縣治新設人心未定官軍協守誠不可無則將廣州四衛所量撥空閑職役協同新縣巡捕官兵防守其城池衙舍廟宇固不可緩則當建造城池衙舍共用銀捌千六百陸拾柒兩伍錢其夫匠之僱募物料之買辦俱合於廣肇二府庫貯贓罰并拆毀淫詞等項銀內動支其合用工役卽于新割都置內人戶撥用仍量免雜差派辦料物三年以甦民困議既上督撫臺御史臺復會同按察司使周

宣守巡道右叅議汪思僉事祝品分巡嶺西道僉
事曹軒督同潮州府通判劉瓘及連州知州徐相
親詣重覆踏勘地勢攸宜人情允協乃會同總鎮
兩廣地方內官監大監鄭 鎮守兩廣地方總兵
官征蠻將軍撫寧侯朱麒議僉同上其事於

朝制曰可乃立三水縣治於白塔村之龍鳳岡

按霍文敏公韜論兩廣事宜有云新設三水縣只
便於迎接然路當四衝害民實劇今官司以術籠
民未役之當夫接應民未告病再十年民不堪命
云
又巡按廣東御史郭周議以三水小邑實當兩廣
之極衝欲將南海金甌壹拾捌畝高要之新羅等
畝添足百里地方以紓倒懸之急而未果云

三水縣志

卷之二

建置

四

城池

邑城自嘉靖六年郡判劉瓘董建基厚二丈五尺
砌以石石上以磚高一丈五尺周環六百七十五
丈南北相距二百零四丈五尺東西如之明萬歷
三十六年知縣韓紹忠增砌城堞高舊三尺但堞
垣既高則陴路遂低不能外望至崇正十二年知
縣高其昌集紳士里民議加土築高申允舉行舊
闢四門南曰熙阜北曰拱極東曰賓暘西曰安定
至崇正十五年知縣羅儀則閉熙阜門開學前文
明門門各有層樓自兵燹以來俱已傾圮至我

國朝定鼎城守吳子良將四門城樓修復至康熙六年知縣王于宣又開復熙阜門與文明門並行惟門上城樓尙未修復至康熙十年知縣蘇崑捐資創建規模巍煥比舊有加今縣城共五門窩舖一十二所城脚洩竇二一在學前右一在西關塘右按邑城以壬丙坐向故南門進安丙位直達縣署知縣羅儀則嫌官路行臺昂起右勢移之學前之已位更得山水之利云後知縣王于宣嫌署前南門不開則秀氣閉故開復並行

城北倚岡三面皆臨陂田南向里許則洋洋肆江

三水縣志

卷之二

建置

五

也故建畫時不及濠塹迨嘉靖三十六年知縣符良佶始鳩工鑿濠南環欲外引江水俾通舟楫資商便民議者慮江流泛漲濠不足以禦之乃止今濠址尙存惟東接魁岡竇以資灌溉有謂開濠通水遶城不獨以濟民便且以利學宮焉蓋學建于龍鳳窩襟山帶海已據形勢若得砂水協吉便資靈秀而澗鬱諸水未免直流而東卽西南星渚諸水環拱終未得張山食水之勢或謂宜從魁岡竇口大開明橋廣可通船又從大基外原圳增深使常不涸而達於學是謂巽水環遶必主文明而內

圳基址曲折因其遠近多植水松以壯形勢方爲完備是說也侈談青烏家言似失之陋而天人相應此中有權焉因存之以備參考云

學宮

詳學校志

萬壽宮

在學宮之東爲朝賀之所康熙四十一年訓導林子翰捐建嘉慶二年知縣孫樹新捐廉重修

縣署

縣治嘉靖五年建於龍鳳岡廊宇譙樓及大門儀門申明旌善亭土堦樸略康熙乙巳知縣王子宣

三水縣志

卷之二

建置

六

照各原基址以磚易土創建堂後規門內築室三楹題曰崑都政署曰喜雨堂曰退食處又進而立福孝堂及春臺臺後構屋三楹最後繕室五間移土地祠於西邊左建一軒內爲寢室三層後廚房二間東舊有官地數畝爲舊丞署崇正七年邑人梁挺桂陞科取還爲署圃右側建庫房二書房三小舍七周垣築而崇之戊申工竣其舊兩旁贊政主簿二廳地猶空曠康熙癸丑知縣蘇崑修復兩旁並列縣倉舊豐盈倉基址在西門內以倉糧重務故附建於此又移崑都政署及喜雨堂二扁稍

前於宅門新題以清慎勤三堂新題以凝香堂衙
內東圃建擷芳亭遍植花草至是而縣治整飭凡
具瞻聽政俱得其所矣舊設縣丞主簿兩廨丞廨
在思牧堂東偏簿廨在思牧堂西偏萬歷九年裁
汰主簿今屬縣丞衙署其舊丞廨已廢今爲縣署
東圃

學署

儒學署在

文廟之後縣署之東舊名龍鳳窩蓋以左鳳岡右龍
岡而名也明嘉靖六年知縣程儒建面明倫堂背

三水縣志

卷之二

建置

七

尊經閣中爲教諭廨舍而居訓導於右

國朝康熙三年裁教諭缺屬訓導專司之學署遂荒
其半後復設教諭原址已傾圯不可棲止因借鄭
公書院居之訓導廨舍亦僅處明倫堂後西偏而
已嘉慶十一年知縣洪先燾改明倫堂爲崇聖祠
卽學署基修復尊經閣移訓導署於閣之西偏前
後二進各三楹現任許副齋建中復倡率紳士捐
建前廳一楹爲游息之所自顏曰樹穫山房規模
粗備而教諭署尙未度地補建仍居鄭公書院焉
是有望于後之振興者

屬署

典史衙署在堂東制與丞署同

三水司巡檢署在縣城南對河五里許鎮南都今 圯

胥江司巡檢署在胥江街

西南司巡檢署在城東十里西南街順治十四年 圯

橫石司巡檢署在橫石嶺順治十四年 圯

西南驛署在南門外乾隆七年奉裁其驛務歸典史辦理署圯

陰陽學廨在縣前街今 圯

武職衙署

三水城守營守備署在城內仁壽坊東原設守備 雍正十年奉改為都司嘉慶

三水縣志

卷之二

建置

八

十四年復改為守備署在舊分司故址康熙四十八年知縣鄭玫捐俸建衙宇三進周圍廣濶西為

道

頭司把總署在西門內

二司把總駐蘆苞汛

添設把總駐西南汎嘉慶十七年添設

以上陸路

順德協右營都司署在蘆苞

順德協右營千總署在老沙

順德協右營把總署在蘆苞

督標右營千總署在思賢濬

以上水師

憲署

憲司公署在城內儒學後街前堂一座三間露臺上構捲蓬左右爲皂隸房儀門大門俱如式中堂後聯以穿堂穿堂左爲吏書房右爲厨舍後房一座連官房凡三間今皆傾圮

部院行臺

舊在城南河口嘉靖三十六年知縣周文爍建規制與城內憲司公署同自明季兵燹以來日漸傾圮至

三水縣志

卷之二

建置

九

國朝順治年間靖藩將此地基建馬房後撤之磚石悉載運抵省至康熙十年奉

督撫

兩院及司道行令知縣蘇崑捐資建復至嘉慶二年知縣孫樹新捐廉購地移建于魁岡塢前修砌青雲路直抵行臺

按三邑地接西北兩江衝要之區 憲使往來絡繹不絕故設行臺以備供帳而宴合時諸色品物間或未備一時不能率應卽應亦率難整飭誠棘手之地也惟是皇華駐節恤下邑之衝疲不以難供相責備縣當事者庶其有紓乎至

舊志載行臺右有抽盤廠明嘉靖三十九年知縣陶守訓申革其廠遂廢亦除弊之一端也因並志之

襟江閣

在河口嘉慶二十三年知縣汪云任捐貲購民地新建郵驛稱便

倉庫

倉穀詳積儲

豐盈倉

在城西北隅嘉靖三十三年知縣周文爌建中廳一座東西倉廩各三間東貯存畱西貯備賑贖穀

三水縣志

卷之二

建置

十

天啟四年奉文行建義倉卽於本倉東廩下增置之後圯今倉改建在縣堂右

舊志

常平倉

在城東鳳岡頂計三十間

廣益倉

在城西民安坊計二十四間雍正十一年總督鄂彌達題准建立

社倉

在常平倉之東今圯遺址尙存

庫樓

在縣堂左嘉靖三十二年建

舊志里長房五十二間在縣署後街嘉靖三十六年知縣符良佶建今陞科民居備志之以存舊云
壇祠

社稷壇

在城外西南隅壇有石主并爲木神牌二藏諸庫
至期則出於壇席而祭之
通典所謂立石以表其處別有主以象其神也

山川風雲雷雨壇

在城外東南隅有石主并爲木神牌三藏諸庫至
期則出於壇席而祭之詳禮樂志

三水縣志

卷之二

建置

十一

先農壇

在城東教場每歲季春吉亥日致祭行耕藉禮祭
日請 神位供於壇上祭畢送 位八祠詳禮樂
志

迎春亭

立春前一日各文官朝服迎春于東郊祭勾芒神
舊有迎春亭在三江書院後歲久傾圮遂迎於西
南鎮之 太尉廟後沿爲例

演武亭

在城東門外 武帝廟前亭下平曠之地爲教場

每歲霜降城守官祭 旗纛神於此

厲壇

在城外西北隅按左氏鬼有所歸乃不爲厲此厲祭之所由設也每歲清明七月望十月朔請

城隍之神出主其祭榜無祀鬼神而分祀之詳禮樂

志

廟宇

城隍廟

明洪武三年詔封天下省府州縣城隍之神前奉木主後塑神像每歲清明七月望十月朔致祭廟

三水縣志

卷之二

建置

十二

在縣署後街西北與縣署並建嘉靖四十六年知縣鄭孔道增修中爲堂堂前有亭兩廊爲齋所二廡房六其旁厨庫二前堂一座三間中有板屏外立總門視舊制加廠萬曆三十六年知縣韓紹忠重修建坊廟前崇正八年知縣沈起蛟重修坊亭原中堂兩廊多用殼砌康熙十一年知縣蘇嶠用磚修建大堂一座旁建西房爲齋宿之所從兩廊遞及頭門內圍牆悉行修復乾隆五十三年知縣王淦重修

土地祠

在縣署頭門內東偏

文昌宮

嘉慶六年奉行致祭十二年尊經閣成塑像於閣內以崇奉祀詳禮樂志

關帝廟

舊在南門內東偏萬曆丙午改建東門外教場上有知縣陳原道遷建碑記廟後有小亭刻 帝像于石而豎之

國朝乾隆五十七年知縣王宿善捐修并建 神醫祠于廟旁詳禮樂志

三水縣志

卷之二

建置

十三

真武廟

舊有縣內 城隍廟左後改建北門外因久傾圮至

國朝順治十七年靖南王獵于城北捐銀一百兩修復後以火災前殿城內五甲修復西旁添建 觀音堂至康熙四十四年縣丞鄭其祥捐修後殿四十五年知縣鄭玟捐修前殿乾隆五十年知縣郎珍復修之

天后廟

按莆田林氏女至孝能知人禍福没而祀之航海

者禱輒應自宋封靈惠夫人元封天妃明封護國
加昭孝純正靈應孚濟聖妃

國朝康熙五十九年加封天后每歲春秋仲月癸日
致祭廟在河口嘉慶二十一年重修廟前石馬頭
被水冲塌二十三年知縣汪云任捐貲修復

元壇廟

在南門外右偏嘉慶二十一年重修

注
福
廟

在南門外左偏前爲青雲橋

按天下府州縣之設皆有秩祀秩祀者 令甲

三水縣志

卷之二

建置

十四

之所頒也官師之所虔也神受職于天官師受
職于天子其在祀典者祀焉其不在祀典者亦
祀焉無懷媿于私無傲簡于儀昭純一以奉潔
粢則神降之福民和年豐有自來矣

陶公遺愛碑亭

在南門外西偏

今圯

閔公祠

在南門內東偏舊爲 關帝廟因改建東門外故
以祀閔

今圯

羅公祠

在河旁 天后宮之右 今圯

按守土君子有功德於民則民懷去後之思或祠之或碑之今各祠俱傾圯而羅公祠遺址尚存通邑人士往往追維故物慕思不替遺愛在人蓋其永哉

恤政

養濟院

在東門外明嘉靖十年知縣曾泰建額設孤貧男婦五十二名每名日給口糧銀一分在地丁項內支銷遇閏加增小建扣除

三水縣志

卷之二

建置

十五

漏澤園

在西門外康熙二十三年知縣王永名捐廉買民地一所俾民間貧而無葬者皆得鱗比葬焉

附祀所

在養濟院右邊

義祀祠

在西南和光寺左邊

監獄

在縣署頭門西偏雍正八年奉行囚犯罪有輕重不同收禁有內外各異混禁一處則易於生奸嗣

後監獄俱分建內外兩處將重犯俱禁內監情罪
稍輕者俱禁外監再另設一室以禁女犯嘉慶十
二年知縣洪先燾因奉行寄禁人犯擠擁增建十
室分禁以恤罪囚